

**ՎԵՀԱՓԱՌ ՀԱՅՐԱՊԵՏԻ ՑԱՎԱԿՑԱԿԱՆ ՀԵՌԱԳԻՐԸ
ԱԶԳԱՅԻՆ ԱԿԱԴԵՄԻԱՅԻ ՆԱԽԱԳԱՀ
ՖԱԴԵՅ ՍԱՐԳՍՅԱՆԻՆ՝ ԱԿԱԴԵՄԻԿՈՍ
ԳԱԳԻԿ ՍԱՐԳՍՅԱՆԻ ՄԱՀՎԱՆ ԱՌԻԹՈՎ**

ՄԵԾԱՐԳՈՅ
ՏԻԱՐ ՖԱԴԷՅ ՍԱՐԳՍՅԱՆ
ՆԱԽԱԳԱՀ ՀՀ ԳԻՏՈՒԹԻՒՆՆԵՐԻ
ԱԶԳԱՅԻՆ ԱԿԱԴԵՄԻԱՅԻ

ԵՐԵՎԱՆ

Սրտի խոր վշտով իմացանք ցաւայի լուրը ՀՀ ԳԱԱ-ի փոխնախագահ և բազմալաստակ արևելագէտ ու հայկաբան ակադեմիկոս Գագիկ Սարգսեանի մահուան:

Նրա հարուստ վաստակը հայոց պատմութեան լուսաբանման և լեզուի ու գրականութեան ուսումնասիրութեան բնագաւառներում անմոռանալի է մեր ժողովրդի մօտ, յատկապէս համալսարանական, մտաւորական և ակադեմական շրջանակներում:

Մեծ է նաև նրա դերը հայագէտների մոր սերնդի կազմաւորման գործում: Որքա՛ն գիտնականներ հայոց պատմութեան պեղման իրենց սկզբնաքայլ ջանքերի մէջ առաջնորդուեցին նրա ցուցմունքներով և ուսուցողական մեթոդներով:

Վերջին երեք տարիներին նրան անձնապէս ճանաչելու ուրախութիւնն էինք ունեցել: Նրա հաղագիտական աշխատանքը և դասախօսական-ուսուցչական գործը արդիւնք էր նրա սիրոյն և նուիրումին իր հայրենիքին և ժողովրդին:

Անձնապէս և յանուն Ամենայն Հայոց Կաթողիկոսութեան՝ Մայր Աթոռ Ս. Էջմիածնի ներկայացնում ենք Ձեզի, Ակադեմիայի Նախագահութեան և բոլոր անդամներին և համգոյցեալի ընտանիքին մեր խորագգաց ցաւակցութիւնները:

Թող Բարձրեալն Աստուած նրա հոգին ընդունի իր երկնային երանաւտ խաղաղութեան մէջ:

**ԳԱՐԵԳԻՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ**